



Tasiilami inunnik isumaginninnikkut pissutsit pitsannorsarneqarnissaat qularnaarumallugu 2018-mut aningaasanut inatsisissamut atatillugu 2018-mi ukiunilu missingersersuusiorfisuni ukiumut 5 millioner koruuninik immikkoortitsisoqartarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliniut ingerlanneqassaaq Kommuneqarfik Sermersooq qanimut ataqatigiissaareqatigalugu.
(Inatsisartunut ilaasortat Randi Vestergaard Evaldsen aamma Justus Hansen, Demokraatit)

Illumoorsinnaangilaq illoqarfiup meeqartaasa amerlassussaasa affaa socialimi suliassannorsimasut. Unartaali aamma mamianarsititseqqiinnarpoq alianarlunilu, meeqqat tamarmik ajornartorsiorlutik inuusut nalunaarsorneqangimmata.

Taamaattumik politikkikkut sapiissuseqartariaqarpugut, aningaasaliissutissatut immikkut ittumik iliuseqarnissamik siunnersuuteqarneq tapersernarlunnarmat, politikkikkut ersiutaamat aningaasaliilluni immikkut ittumik iliuseqarsinnaanermik demokraatit ammaasserusummata.

Illumullimi nukillalaarluta Tasiilami pisut tusartuarpagut aamma meeqqat eqqartorneqartillugit piaartumik iliuseqartoqarnissaa pisariaqavinnera erseqqissassavarput erseqqissartuassallugulu.

Meeqqat amerlaqaat atungarliortut, perorsaariaaserput meeqqanillu nunatsinni pinngortitsisarnerput, akisussaaffiit pingaarnersaringaat politikkikkut ersarissartuariaqarparput. Ilaatigut aningaasanik immikkut ittumik taamatut iliuseqarniarneq pitsaasuummat kissaatingingaluaqaarput politikkikkut tapersorneqarnissarput.

Unalu tunngavilersuutitta pingaarnersaraat, aningaasaliissutit Tasiilami atorluarneqarpata meeqqallu ilaqutariillu inuunerannik pitsanngoriaammik arlaatigut kinguneqarpata aningaasaliissutit ikattoriaatinngorlutik inuiaqatingiinnut uterumaarmata.

Taamatut oqaaseqarluta ataatsimiitsitaliamut ingerlateqqinneqarnissaa innersuussutingaarput.